

萬有文庫

第一集一千種

王雲五主編

國語

葉玉麟選註

商務印書館發行

語

國

註選辭玉葉

書叢學國生學

萬有文庫

第一集一子種

總編纂者

王雲五

商務印書館發行

編主五雲王
庫文有萬
種千一集一第

語 · 國

註選麟玉葉

路南河海上
五雲王 人行發

路南河海上
館書印務商 所刷印

埠各及海上
館書印務商 所行發

版初月二十年二十二國民華中

究必印翻權作著有書此

The Complete Library

Edited by

Y. W. WONG

SELECTIONS FROM KUO YÜ WITH
INTRODUCTION AND NOTES

BY YEH YÜ LIN

PUBLISHED BY Y. W. WONG
THE COMMERCIAL PRESS, LTD.
Shanghai, China

1933

All Rights Reserved

例言

一是編取國語全書，纂輯菁華，共錄文五十四章，以津逮初學。每章之首，本無題目，今依先輩選國策之例，皆以其首句列爲目次。學者如欲觀其全，除韋氏解外，近代若吳興沈鎔之詳註，徐元誥之集解，雖尠剏獲，不妨互參，藉資攷證。

一凡所錄舊注，則不復詳姓氏，其獨抒心得，闡明奧義者，乃各書姓氏於上。國語所載事，多與內傳相同，故是編徵引內傳以附益之，便學者稽古之助。

一國語刊本叢雜，是編皆依宋天聖明道本，而又以諸家刊本考定之。

緒言

漢鄭衆作國語章句，賈逵著解詁，其後有王肅章句，虞翻，唐固，韋昭，並傳註釋。以及孔晁之春秋外傳，宋庠之補音，尙矣。清季如王引之，汪中，段玉裁，錢大昕，惠周惕，陳奐，黃丕烈之札記，姚鼐之補註，或二十一篇，或二十二卷，醇駁互見，然今世唯韋書盛行。爰攬撫諸家，擷其粹美，采其精懿，而補苴之。其紛歧譌舛不一者，從而折衷之。校讎竟爲弁言冠首。

論曰：衰周之世，道術盪滅，宣聖西觀周室，論史記舊聞，而次春秋，左丘明采世成敗，上自周穆王，下至魯悼公，綜周魯齊晉鄭楚吳越，八國之史乘，爲國語。韋氏序之，以謂『包羅天地，探測禍福，發幽微，表善惡，昭然明甚，實與經藝

並陳，非諸子倫比也。遭秦亂，幽而復光，賈生史遷，頗綜述焉。『昭洵能發明左氏微意矣。』

是故究觀終始，抉擇幽眇，可約舉其旨趣焉。其中若祭公諫穆王，邵公告厲王，見周室之危殆。晉文請隧，見諸侯僭侈。季文子妾不衣帛，馬不食粟，文伯母效績，見勤儉興治。與康子闔門言，明男女之別。管子對桓公，遊聘召賢，甲盾金矢贖罪，明齊致霸。郭偃對文公，史伯對桓公，明晉鄭之興。至若武子擊范文子，明尊卑也。胥臣舉冀缺，司馬侯舉羊舌肸，昭薦賢也。叔向諷平公，趙文子因張老止襲斷，叔向賀貧，范文子問具敖，魏獻子辭梗陽，賢者改過之風也。又若屈建去莛，違命合道。夫差許越伐齊，申胥鴟夷沈江，吳遂以亡。勾踐用文種，葬死問傷，人民以蕃，越遂以霸。覽觀當世之事，考鏡得失，知盛衰之由矣。

故有內傳，而述聖尊王之義；明有外傳，而列邦之時勢，與政教廢興之迹。

著。雖嬴秦焚坑煨缺，至乎漢，而有賈董鄭衆崛起，湛深經術，蔚爲文景之郅治。豈非賢聖道統相承，遞嬗流衍之功烈也哉！方今文學彫弊，深賸世變，亟思補救之方，學者於訓義章句，固不容忽；亦毋庸循經生積習，侈談漢儒家法，轉茫昧經旨也。索居黥陋，又自慙，尠所發明，姑備學者揚摧云爾。

葉玉麟

廿二年三月

上海

目次

周語第一

穆王將征犬戎·····	一
恭王遊於涇上·····	八
厲王虐國人謗王·····	一〇
魯武公以括與戲見王·····	一四
晉文公既定襄王於郊·····	一六
秦師將襲鄭·····	二一
景王將鑄大錢·····	二三

景王既殺下門子……………二八

魯語第二

魯饑……………三〇

莒太子僕弑紀公……………三三

季文子相宣成……………三五

季桓子穿井……………三七

季康子問於公父文伯之母……………三九

公父文伯之母如季氏……………四〇

公父文伯退朝……………四二

公父文伯之母……………四五

齊語第三

桓公欲從事於諸侯……………四六

桓公問……………四八

晉語第四

武公伐翼……………五〇

獻公伐驪戎……………五二

獻公田……………五五

公作二軍……………五七

優施教驪姬夜半而泣……………六一

反自稷桑……………六五

惠公入而背外內之賂……………七〇

元年春……………七二

文公問於郭偃……………七五

文公問於胥臣……………七六

臼季使舍於冀野……………八一

陽處父如衛……………八三

宋人弑昭公……………八六

范文子暮退於朝……………八九

趙文子冠……………九〇

悼公與司馬侯升臺……………九四

叔魚生……………九五

平公射鵪不死……………九七

趙文子爲室……………九九

叔向見韓宣子……………一〇一

范獻子聘於魯……………一〇四

董叔將娶於范氏……………一〇五

梗陽人有獄……………一〇六

趙簡子歎……………一〇八

智宣子將以瑤爲後……………一一〇

智襄子爲室美……………一一二

還自衛……………一一四

鄭語第五

桓公爲司徒……………一一七

楚語第六

屈到嗜芰……………一三五

左史倚相廷見申公子亹……………一三七

司馬子期欲以妾爲內子……………一四〇

鬬且廷見令尹子常……………一四二

吳語第七

吳王夫差旣許越成……………一四六

吳王還自伐齊……………一五〇

吳王夫差旣殺申胥……………一五三

越語第八

越王勾踐棲於會稽之上……………一五七

周語第一

穆王將征犬戎

穆王○將征犬戎，○祭公謀父○諫曰：「不可，先生耀德不觀兵。」○夫兵戢而時動，動則威；○觀則玩，玩則無震。○是故周文公之頌曰：○「載戢干戈，載櫜弓矢。」○我求懿德，肆于時夏，○允王保之。」○先王之於民也，懋○正其德，而厚其性；○阜其財求，○而利其器用。○明利害之鄉，○以文○修之，使務利而避害，懷德而畏威，故能保○世以滋○大。

○穆王名滿，昭王之子，康王之孫。

○征者，正也，上討下之稱。犬戎，即畎夷，一作昆夷，在今陝西鳳

翔縣北。③祭，去聲（ㄐㄧㄝˋ，父，上聲（ㄈㄨˊ），祭國名，謀父字也，爲王卿士。今河南開封縣東北，有祭伯城。④耀，明也。觀示也。明德，尚道化也。不示兵者，有大罪惡，然後致誅，不以小小示威武也。

⑤戢，聚也。威，畏也。時動，因時而動。⑥玩，黷也。震，懼也。⑦周文公，周公旦之諡。頌，時邁之詩也。

武王克商，周公爲作此詩，巡守告祭之樂歌也。⑧載，則也。干，楯也。戈，形似戟，直刃旁有小刃橫出。

平向者，囊音高（ㄋㄠˊ），韜也。言天下已定，聚斂其干戈，韜藏其弓矢，示不復用也。⑨懿，美也。肆，陳也。時是也。夏，大也。言武王常求美德，故陳其功，示於是夏而歌之。樂章大者曰夏。⑩允，信也。信，武王能保此時夏之美也。

⑪懋，勉也。⑫性，情性也。⑬阜，大也。大其財求，不障壅也。⑭器，兵甲也。用耒耜之屬。⑮鄉，去聲（ㄒㄩㄥˋ），方也，示之以好惡也。⑯文，謂禮法也。⑰保，守也。

⑱滋，益也。

一昔我先王世后稷，①以服事虞夏。②及夏之衰也，棄稷不務。③我先王

不啻用失其官，④而自竄于戎狄之間。⑤不敢怠業，⑥時序其德，纂修其緒。⑦

修其訓典，⑧朝夕恪勤，守以敦篤，奉以忠信。弈世載德，不忝前人。⑨至于武王，

①昭前之光明，而加之以慈和。事神保②民，莫弗欣喜。商王帝辛，③大惡於民，
④庶民不忍，⑤欣戴武王，⑥以致戎于商牧。⑦是先王非務武也，勤恤民隱而
除其害也。⑧

①后君也，稷田正也，父子相繼曰世，謂棄與不密也。（按：萬歷閔氏本，儲本此句皆作「昔我先世
后稷」，非是。今依明道本多一「王」字。）②謂棄爲舜稷官，其子不密。——密，音緇（止×己）。

爲夏稷官也。

③謂夏帝太康，廢棄稷官，不務農事也。

④太康廢稷官，故不密因之亦失其

官職也。

⑤竄，音串（方×弓）匿也。不密失官，乃歸處於郃。郃，在今陝西武功縣南，古戎狄地，故

云。

⑥謂猶不敢懈怠其事業也。

⑦纂，繼也。緒，事也。⑧訓，教也，典，法也；修其教訓法制也。

⑨奔世累世也。載，成也。忝，辱也。

⑩武王，文王子，名發。

⑪保，養也。

⑫商王紂，帝乙之子，名辛。

⑬惡，音汗（×）去聲。大惡于民，謂大爲衆民所惡也。

⑭忍，耐也；不忍，謂庶民不復能耐紂之暴虐

也。⑮戴，奉也；歡欣奉戴武王也。

⑯戎，兵戎也。商牧，商郊牧野也。今河南汲縣是其地。⑰恤，憂